

瘟疫發源

二



責任編輯：劉國正

图书在版编目 (CIP) 数据

瘟疫发源/ (清) 马印麟纂; (清) 张廷璧校. - 北京:

中医古籍出版社, 2005.10

(中医古籍孤本大全)

ISBN 7-80174-384-9

I . 瘟 ... II . ① 马 ... ② 张 ... III . 瘟疫 - 研究

IV.R254.3

中国版本图书馆 CIP 数据核字 (2005) 第 098588 号

ISBN 7-80174-384-9



9 787801 743848 >

中醫古籍孤本大全

瘟疫發源

原 著 清·馬印麟 校 注 清·張廷璧
選 編 薛清錄 劉國正
出版發行 中醫古籍出版社

北京市東直門內南小街十六號 郵編 100070

杭州蕭山古籍印務有限公司

二〇〇五年十月第一版第一次印刷

二百五十套

ISBN 7-80174-384-9/R · 383

印 版 印
刷 次 數
書 號 價

二二〇圓



乙丑 乙未

上太陰濕土司天

中少商金運

下太陽寒

水在泉

天氣生運曰順化。土下生金也。

順化之年。民舒無病。

災七宮。西方兌宮也。金運不及。故災及之。

丑未之歲。太陽當遷正在泉。而厥陰風木。以上年

司天之右間。當降爲今歲在泉之左間。故畏地

晶。金氣窒之也。以上年子午歲氣有餘。司天少

陰不退位。則右間厥陰亦不能降下也。金運

承之。降之不下。抑之變鬱。卽乙丑乙未歲也。亦能制抑厥陰。鬱而爲病。木鬱金勝。故蒼埃見而殺令布。久而不降。抑之化鬱。

乙丑乙未二年。厥陰風木常降在泉。遇金運承之。降而不下。則木鬱於上。發爲木疫。藥宜龍胆泄肝湯。加羌活。防風。研化五瘟丹送下。

辛丑 辛未 天刑之年

上太陰濕土司天 中少羽水運 下太陽寒水在泉 辛年水運不及。而濕土司天勝之所。

謂流涸之紀。

天刑之年。土下克水也。故曰不相得則病。

災一宮。一北方坎宮也。水運不及。故災及之。

丑未之年。太陰濕土當遷正。司天。而少陽相火。

以上年在泉之右間。當升新歲。司天之左間。故

畏天蓬水勝之也。

丑未陰年不及。故太陰司天未遷正。則少陽左

間亦不得其位。遇辛丑辛未。天蓬之年。則少

陽相火被抑。故升天不前。則爲火鬱。水之勝也。



火鬱不升。則人病在心。皆心之包絡。

天時則寒霧反布。凜冽如冬。水復涸。冰再結。暄
煖乍作。冷復布之。寒暄不時。

民病伏陽在內。煩熱於中。心神驚駭。寒熱間爭。
其氣令民病較已亥年。君火不升者尤佳。火
鬱既久。暴熱廼生。鬱癘廼化。伏熱內煩。痺而生
厥。甚則血溢。此相火鬱發爲病。

辛丑辛未之歲。少陽相火當升。司天遇水運升之
不前。則爲火鬱。藥宜涼膈散。加知母煎湯量冷。

研化五瘟丹服之。

陽氣退避。大風時起。

司天之氣。廼濕氣下降。地氣廼寒氣上升。故原野昏霧白埃四起。

司天主南。而太陰居之。故雲奔南極。雨濕多見於南方。夏盡入秋。謂之差夏。

民病寒熱腹滿。身脹滿。腑腫痞逆。寒厥拘急。皆寒濕所化之病。

故陰凝於上。寒積於下。寒水勝火。則爲冰雹。陽

光不治。殺氣廼行。殺氣者。卽陰氣也。

本年寒政太過。故穀氣有余者。宜高。宜晚。以其能勝寒也。不及者。宜下。宜早。以其不能勝寒也。民之強弱。其氣亦然。

初之氣。地氣遷。寒廼去。春氣至。風廼來。生布萬物。以榮民氣。條舒。風濕相薄。雨廼後。客主之氣。皆厥陰風木用事。寒去物榮。以太陰濕土司天。故風濕相薄。風勝濕。雨廼後時而至。民病血溢。筋絡拘強。關節不利。身重筋痿。

風病在筋。濕病則肉。故爲此病。

血溢者。風勝

於肝也。

二之氣。大火氣正。物承化。民廼和。

客主之氣皆

少陰君火用事。故大火氣正。物承其化。民亦和也。

其病瘟癘大行。遠近咸若。濕蒸相薄。雨廼時降。

三之氣。天政布。太陰濕土司天。故濕氣降地。氣騰

而爲雨。三氣之後。則太陽在泉主之。故寒廼隨

之。感於寒濕。則民病身重。胛腫。胷腹滿。寒凝

濕滯。故其爲病如此。

四之氣。少陽相火用事。其氣尤烈。故曰畏火。皆相火也。客以相火。主以濕土。火土合氣。溽蒸上騰。故天氣否隔。然太陽在泉。故寒風隨發於朝暮。濕蒸相薄。草木凝烟。以濕遇火。故濕化不流。惟白露陰布。以成秋令也。

多陰雨

民病腠裏熱。血暴溢。瘡痢。心腹滿熱。臚脹甚則。臚腫。濕熱並行。故爲是病。臚者皮腹也。臚腫肉浮腫也。

五之氣慘令已行。寒露下。霜迺早降。草木黃落。客
主之氣皆陽明燥金用事。故其政令如此。民無病。終之氣寒大舉。濕大化。霜迺積。凝水堅冰。陽光不
治。

在泉客主之氣皆太陽寒水用事。故其政令如
此。

感於寒。則病令人關節禁固。腰脰痛。關節在
骨。腰脰屬腎。與膀胱皆寒水同類爲病。

以上十年上濕下寒。故寒濕持於氣交。然太陰司

天則水鬱。太陽在泉。則火鬱。鬱化源詳。義見太
陽之政。

寅申之歲

戊寅 庚申

戊申 丙寅

甲寅 丙申

甲申 壬寅

庚寅 壬申

少陽相火司天。歲氣火化之候。司天者。天之氣
也。

厥陰風木在泉。在泉者。地之氣也。

少陽相火。乃三焦浮流之火。火邪炎上。主尅肺

金。金受尅。則腎水失母。上盛下虛。上攻變生諸

疾。疾至傷元氣。



其化以火。少陽屬相火。亦曰畏火。凡炎暑赫
烈。陽氣盛極。皆相火之化。而爲炎光赫烈。燔
灼焦然。
相火淫勝。則金受其制。故溫氣流行。金政不平。
民病頭痛發熱。惡寒而瘡。熱上皮膚痛。色變黃
赤。傳而爲水。身面胗腫。腹滿仰息。泄注赤白。瘡
瘍。欬唾血。煩心胃中熱。甚則鼽衄。病本於肺。火克
肺金。相火用事。金氣受傷。客熱內燔。水不能制。故
爲此諸病。皆本於肺也。

天府絕死不治。天府手太陰肺脉也。在臂臑內廉。腋下三寸。動脉應手。金不勝火。則肺氣竭。而天府絕。死不治。

羽重同天之氣故靜。毛重同地之氣故育。在泉木盛則土衰。故保虫不成。

厥陰風木在泉。寅申歲也。風淫於地。則木盛土風盛濕。塵埃飛揚。故地氣不明。平野昏昧。木氣有餘。故草廼早秀。民病洒洒。振寒數欠。爲陽明胃脉自食則嘔。身

體皆重。爲太陰脾病。且厥陰肝脉。貫膈布脇肋。故又爲心痛支滿等症。皆木邪淫勝脾胃受傷之病。

毛虫屬木。同其氣故育。木尅土。故倮虫耗。木鬱於下。火失其上。故羽虫雖生而不育。厥陰風木在泉。風行地中。故清毒之物不生。

寅申之歲

壬寅 壬申 運同司地曰天符

上少陽相火司天 中太角木運 下厥陰風

木在泉。

運生天氣曰小逆。木上生火也。故病

亦微。

運於四孟月同。曰支德符。壬寅年木運臨之。寅

屬木。春孟月也。太過之運加地氣曰天符。壬寅

壬申二年。運同司地曰風木。

其運風鼓。其化鳴紊啓拆。此壬年太角之政

化。

其變振拉摧拔

其病掉眩支脇驚駭。風木相火合病也。

治司天之火。木運太過。
壬寅壬申二年。病少無瘟。

戊寅 戊申

上少陽相火司天。中太徵火運。下厥陰風

木在泉。

運與司天之氣相同。曰天符。

其運暑其化暄。暄鬱燠。暄。暄。火盛之象。此戊

年太徵之政化。化作德。暄作暑。

其變炎烈沸騰。太徵之變。

